

**Қазақстан Республикасы Үкіметінің 1999 жылғы 30 қыркүйектегі N 1507 қаулысына өзгерістер мен толықтырулар енгізу туралы**

*Күшін жойған*

Қазақстан Республикасы Үкіметінің 2005 жылғы 29 сәуірдегі N 411 Қаулысы. Күші жойылды - ҚР Үкіметінің 2007.08.10. N 686 Қаулысымен

*Ескерту. Қаулының күші жойылды - ҚР Үкіметінің 2007.08.10. N 686 ( ресми жарияланғаннан кейін жиырма бір күнтізбелік күн өткен соң қолданысқа енгізіледі ) Қаулысымен.*

Қазақстан Республикасының Үкіметі **ҚАУЛЫ ЕТЕДІ:**

1. "Күзет қызметін көрсету саласында мемлекеттік лицензиялар беру жөніндегі қызметті реттеу туралы" Қазақстан Республикасы Үкіметінің 1999 жылғы 30 қыркүйектегі N 1507 қаулысына (Қазақстан Республикасының ПҮКЖ-ы, 1999 ж., N 48, 461-құжат) мынадай өзгерістер мен толықтырулар е н г і з і л с і н :

1) көрсетілген қаулымен бекітілген Заңды және жеке тұлғалардың күзет қызметін жүзеге асыруына лицензиялар берудің тәртібінде: мынадай мазмұндағы 5-1-тармақпен толықтырылсын:

"5-1. Жеке күзет ұйымының, жеке кәсіпкерлер мен заңды тұлғалардың күзет бөлімшелері қызметкерлерінің саны олардың міндеттерін орындау үшін қажетті сан нормативінен аспауы керек. Сан нормативін Қазақстан Республикасының Үкіметі белгілейді. " ;

9-тармақ мынадай мазмұндағы 3-1) тармақшамен толықтырылсын:

"3-1) күзет қызметін жүзеге асыратын заңды тұлғаларға қойылатын біліктілік талаптарының сәйкестігін растайтын құжаттар. " ;

10-тармақ мынадай мазмұндағы 2-1) тармақшамен толықтырылсын:

"2-1) күзет қызметін жүзеге асыратын жеке тұлғаларға қойылатын біліктілік талаптарының сәйкестігін растайтын құжаттар. " ;

мынадай мазмұндағы 13-1-тармақпен толықтырылсын:

"13-1. Заңды тұлғаның атауы (оның ішінде Қазақстан Республикасының заңнамалық кесімдерінде көзделген жағдайларды қоспағанда, ұйымдық-құқықтық нысаны өзгерген), орналасқан жері (егер ол лицензияда көрсетілсе) өзгерген жағдайда, лицензиат бір айдың ішінде көрсетілген мәліметтерді растайтын тиісті құжаттарды қоса бере отырып, лицензияны қайта ресімдеу туралы өтініш береді.

Жеке тұлғаның тегі, аты, әкесінің аты өзгерген жағдайда лицензиат көрсетілген мәліметтерді растайтын тиісті құжаттарды қоса бере отырып, бұл туралы бір ай мерзім ішінде жазбаша түрде лицензиарға хабарлайды.

Лицензиар лицензиат тиісті жазбаша өтініш берген күннен бастап он күн ішінде лицензияны қайта ресімдейді.

Лицензияны қайта ресімдеу және көрсетілген құжатты беру кезінде Қазақстан Республикасының салық заңнамасында белгіленген тәртіппен және мөлшерде лицензиялық алым төленеді.

Лицензияны жоғалтқан жағдайда лицензиат телқұжат алады. Лицензиар он күннің ішінде лицензиаттың жазбаша өтініші бойынша лицензияның телқұжатын береді. Бұл ретте лицензиат Қазақстан Республикасының салық заңнамасында белгіленген мөлшерде лицензиялық алым төлейді.";

23 - т а р м а қ т а :

1), 2) тармақшалар мынадай редакцияда жазылсын:

"1) жеке күзет ұйымының, мемлекеттік органның ведомстволық күзет бөлімшесінің, заңды тұлға мен жеке кәсіпкердің күзет бөлімшесі басшысының жоғары заңгерлік білімі немесе құқық қорғау органдарындағы кемінде үш жыл жұмыс өтілі болуы және күзетшілерге қойылатын талаптарға сәйкес болуы тиіс.

Күзет бөлімшесін құру кезінде заңды тұлға немесе жеке кәсіпкер Күзет бөлімшесі туралы ережені әзірлейді және бекітеді;

2) күзетші лауазымына 21 жасқа толған, күзетшінің арнайы даярлығынан (күзетшіні оқытудың арнайы курсы) өткен, соттылығы жоқ, денсаулық жағдайы бойынша күзет қызметімен айналысуға жарамды (көзінің нашар көруіне, психикалық ауруына, алкоголизмге немесе нашақорлыққа байланысты қаруды меңгеруіне қарсы көрсеткіштердің болмауы) Қазақстан Республикасының азаматтары қабылдануы мүмкін;"

3), 4) тармақшалар алынып тасталсын;

24-тармақ мынадай редакцияда жазылсын:

"24. Жеке тұлғаларға арналған біліктілік талаптары мыналарды қамтиды:

1) күзет қызметіне лицензия алуға үміткер жеке тұлғаға осы Тәртіптің 23-тармағының 2) тармақшасында көзделген талаптар қойылады;

2) тұрғылықты тұратын жері бойынша тіркелгені туралы құжаттың және ішкі істер органдары полициясының учаскелік инспекторынан мінездеменің болуы;

3) оның жеке кәсіпкер ретінде тіркелгенін растайтын құжаттың болуы.";

2) көрсетілген қаулымен бекітілген Күзет сигналын беру құралдарын монтаждау, реттеу және техникалық қызмет көрсету қызметімен айналысу құқығына лицензиялар берудің тәртібінде :

мынадай мазмұндағы 4-1-тармақпен толықтырылсын:

"4-1. Қазақстан Республикасының аумағында күзет сигналын беру

құралдарын монтаждау, реттеу және техникалық қызмет көрсету жөніндегі қызметті жүзеге асыру кезінде заңды және жеке тұлғалар тек атауы Қазақстан Республикасы Ішкі істер министрлігінің жыл сайынғы бюллетенімен айқындалатын, Қазақстан Республикасы Мемлекеттік сертификаттау жүйесінің сәйкестік сертификаты бар арнайы техникалық құралдарды ғана пайдалана алады .  
" ;

5-тармақ мынадай мазмұндағы 3-1) тармақшамен толықтырылсын:

"3-1) көрсетілген қызмет түрлерімен айналысу құқығына лицензия алу кезінде заңды және жеке тұлғаларға қойылатын біліктілік талаптарына лицензиаттың сәйкестігін растайтын құжаттар.";

мынадай мазмұндағы 8-1-тармақпен толықтырылсын:

"8-1. Заңды тұлғаның атауы (оның ішінде Қазақстан Республикасының заңнамалық кесімдерінде көзделген жағдайларды қоспағанда, ұйымдық-құқықтық нысаны өзгерген), орналасқан жері (егер ол лицензияда көрсетілсе) өзгерген жағдайда лицензиат бір айдың ішінде көрсетілген мәліметтерді растайтын тиісті құжаттарды қоса бере отырып, лицензияны қайта ресімдеу туралы өтініш береді.

Жеке тұлғаның тегі, аты, әкесінің аты өзгерген жағдайда лицензиат көрсетілген мәліметтерді растайтын тиісті құжаттарды қоса бере отырып, бұл туралы бір ай мерзім ішінде жазбаша түрде лицензиарға хабарлайды.

Лицензиар лицензиат тиісті жазбаша өтініш берген күннен бастап он күн ішінде лицензияны қайта ресімдейді.

Лицензияны қайта ресімдеу және көрсетілген құжатты беру кезінде Қазақстан Республикасының салық заңнамасында белгіленген тәртіппен және мөлшерде лицензиялық алым төленеді.

Лицензияны жоғалтқан жағдайда лицензиат төлқұжат алады. Лицензиар он күннің ішінде лицензиаттың жазбаша өтініші бойынша лицензияның телқұжатын береді. Бұл ретте лицензиат Қазақстан Республикасының салық заңнамасымен белгіленген мөлшерде лицензиялық алым төлейді.";

19, 20-тармақтар мынадай мазмұндағы 3-1) тармақшамен толықтырылсын:

"3-1) күзет сигналын беру құралдарын реттеу, техникалық қызмет көрсету және жөнделетін жабдықтың техникалық жағдайын тексеруді жүзеге асыру үшін санитарлық және экологиялық нормаларға жауап беретін үй-жайдың, жабдықтың (немесе оларды жалға алу шартының) болуы."

2. Осы қаулы алғаш рет ресми жарияланған күнінен бастап он күнтізбелік күн өткен соң қолданысқа енгізіледі.

Қ а з а қ с т а н Р е с п у б л и к а с ы н ы ң

Премьер-Министрі

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК